



Petiziun dal 4. Parlament grischun da mattas per mauns da la Regenza e dal Cussegl grond dal chantun Grischun davart il tema da la midada dal clima

Titel: Co daventa mia chasa da scola neutrala al clima?

Proposta:

Nus pretendain ch'il chantun introduceschia in curs da perfecziunament per persunas d'instrucziun davart il tema «Co daventa mia chasa da scola neutrala al clima?» e ch'el decleria quest curs sco obligatoric. Ils curs duain dentant esser averts per tut las persunas interessadas. En spezial ils geniturs da las scolaras e dals scolars duain vegnir integrads.

Il chantun lantscha mintga 3 onns ina concorrenza chantunala davart quest tema, a la quala tut las vischnancas da scola e lur chasas da scola sa participeschan en il rom d'ina emna da project. Il chantun surdat premis per ils megliers projects.

Questa mesira sa drizza en emprima lingua a las scolaras ed als scolars dal stgalim superiur. Dentant pon er vegnir integrads las scolaras ed ils scolars da l'entira chasa da scola sin tut ils stgalims.

Il chantun metta a disposiziun a las vischnancas che sustegnan quest project – en il rom dal plan d'acziun «Green Deal» – tut ils meds finansials ch'ellas dovran.

Motivaziun:

Il Parlament grischun da mattas è da l'avis che la midada dal clima chaschunada da l'uman, stoppia vegnir cumbattida. Las mesiras da la Confederaziun e dal chantun per la neutralitad climatica fin l'onn 2050 ston vegnir sustegnidas e rinforzadas. Las scolas duain vegnir animadas da cooperar activamain per cuntanscher questa finamira. Perquai pretendain nus che las persunas d'instrucziun stoppian vegnir qualifitgadas per quai – cun agid d'ina furmaziun supplementara – e ch'i vegnia lantschada ina concorrenza chantunala per la realisaziun concreta da questa finamira.